

經部

通政使司副使臣莫瞻菜覆勘 詳校官太常寺少卿 限接森

總校官中書臣朱 校對官中書臣王鍾恭 擔録監生臣張


鉩

濂

吹芝四車全書 欽定四庫全書 周易辨録 提要 御史以上疏極論行端下詔獄聚七年始得 釋事延具明史本傳其書前有自序題嘉靖 修富平人嘉靖已丑進士官至山東道監察 臣等謹案周易辨録四卷明楊爵撰爵字伯 二十四年乙已盖即其與周怡劉魁等在獄 周易辨録 經 易類 部

多 とこ 操處机裡之會幽居遠念寄托良深有未可 說多以人事為主煩到切著明蓋以正直之 文及象傳象傳皆兼及之特不列其文耳其 明史本傳作周易辨說其名小異然藝文志 四卦每卦惟載上下經卦解然其訓解則六 仍作周易辨録蓋刊本字誤也所釋惟六十 中講論所作故取繁解困德之辨一語為名 以經生常義律之者然自始至終無一字之

a.				恭	恕
				恭校上	尤其
					怨尤其所以為純臣欺乾隆四十四年八月
A B					為
周		總	總		純臣
			察官		歟
		校	佐然	,	隆
		面	巨座		四十
-	1	陸實坪	總察官紀的臣陸獨能臣孫士教		11.0) 24
	i	責	孫		一八八



次足四市全書 一 之所安力之所勝何如耳若以為實有所見而求濟於 古人焉則吾死罪之餘萬萬所不敢也楊爵書 矣因名曰周易辯録緊醉曰困德之辯也吾以驗吾 得 恒 予久蒙幽緊自以負罪深重憂患驚陽之念即風夜而 周易辯録原序 存也因病中日讀周易以自排造愚昧管窺或有所 則隨筆之以備遺忘歲月既久六十四卦之說器 內的粉粉妹 具 グv

			 	 	
		i 1 1			
	-				
L <u></u>			 -	 	

とこりる こう 周易辯録 而已氣始動為元流行 明 利貞乾之徳也 楊 爵 其動而為 槉

銀片四月白書 得為吉庆此天道而為失為因也悔各无咎亦即其 變尚 象而後可以語尚占也故筮者易中之一義必 變以制器者尚其象以卜筮者尚其占然必尚辭尚 配之以道而後可用也繫辭曰吉內者得失之象也 矣易有聖人之道四焉以言者尚其解以動者尚其 元亨利者皆具於此為貞乾之四德一誠可以盡之 坤而至未濟雖情偽萬變莫不以合此天道而為 失淺深而言之也大哉乾元為萬物所資以始

物 是非而惻隱則无所不貫雲行雨施品物流形天命 之不已而所以為亨也上天之載无聲无臭雲雨品 明然始會竟道之一本也六位時成識乾道之萬 仁義禮智而仁則无所不包發而為惻隱羞惡辭讓 特資之以始也非乾元則不能有終矣故亨也者亨 此元也利也者利此元也貞也者貞此元也一理流 行而用各不同隨其所至之善而名之耳在人則為 顯於聲臭形而下之器也必有形而上之道焉大

てこりる とよう

周易瓣琴

動员四月全書 向於靜之始利之義也萬物各得其性命之正而保 之理畫前之易聖人先得之矣乾道變化由 正 合太和為靜之極貞之義也聖人之德首出無物以 行安而行之也聖人窮理盡性以至於命乾卦 也生而知之也時東六龍以御天非行六龍由六龍 道設 用也聖人過化存神上下與天地同流者也故配 性命而保合太和也元亨者顯諸仁也利貞者藏 教於上猶乾道變化也萬國成寧猶萬 動 極 物 性 命 各 而

欲從末由之際功夫也初九以乾剛得正處最下草 成月勿忘助之不已則與至誠无息之聖同歸矣此 息君子入聖之功也勉勉循循持之以敬畏假之以 強其孰能與於此即孔子嘆所未見之剛者也為私 以有終也所謂仁以為已任死而後已非天下之至 健之象而以自強不息焉以義理勝私邪而能要之 合而送言之两乾相繼天行健之象也君子法天行 那所制而問陽其義理之心則懦夫而已矣自強不

アスワラ ハラー

多一年 全書 也象曰潛龍勿用陽在下也陽言龍而下言勿用之 言否而在君子一時一事未能遂所願則亦否之義 子不為也故勿用舜之側微伊尹耕幸說築傅嚴孔 義也九二乾剛得中善莫善於此德也位初九之上 子待價孟子不見諸侯皆此道也乾之時固不可以 上孚人未見知而欲求用則失身而无以正天下君 在國曰市井之臣在野曰草莽之臣皆謂庶人徳未 澤中居仁由義之俊傑為龍之潛藏而未見之象也

先覺者也以斯道而覺斯民乃其責任也故利見九 澤雅世之象也以此徳而處此地君未當不欲其輔 矣始脫深藏之迹未履明顯之位為龍見在田而光 理盡而事天之道得矣九三乾剛得正之君子也知 此民也使先知覺後知使先覺覺後覺九二天民之 五之大人相與有為而成正大光明之業則性分之 已以有為也民未當不望其與道以致治也天之生 則離於潛隱而名實顯著聞其風而與起者宜亦多

次色习事主

周易辦縣

質而於禮行逐出之道或未盡也然質本乾剛識未 義理之所在而慷慨以為之者也以其過剛不中強 剛惡不自知所處之地所禀之資皆危厲之階也而 疑於天矣好剛自是一念之差而不自克則或流於 強不息矣下不在田則或疑於田矣上不在天則或 嘗不明也力未當不強也知其性質之偏而勇於克 勵者又其所能也故終日乾乾而夕猶惕若幾於自 毅果敢之氣有餘而從容委曲之風不足能以義為

求以至之則察之極其精故可與幾所謂始條理者 業也不能先知之則未有能行之者也故曰知至至 能无過惟其不安於九三也故能補過象言反復道 之可與幾也知終終之可與存義也知義理之至而 曰行事則无事而不乾乾也曰與時偕行則无時而 无終食之間違仁造次必於是顛沛必於是也文言 致曲之功罔敢自怠故得无咎惟其為九三也故不 不乾乾也用力之實則忠信以進德修辭立誠以居

歌定四車全書

周易辩録

龍不遠乎淵而出于淵矣未至於天而向乎天矣攝 向天九四以乾剛之德離下乾之上處上乾之下是 龍之在淵時未可出則盤以潛身時可以出則躍而 故可與存義所謂終條理者聖之事也即大學格物 智之事也知義理之終而求以終之則措之无不當 九五之事而未履其位可以躍而不處躍故為或躍 知誠意正心中庸明善誠身堯舜禹惟精惟一九 厥中也千古聖賢之學問聖人於此爻發之盡矣

次定四車全書 週易辦孫 之解一芥而不知其為小為輕受天位而不知其為 盡善也自試言其心之无私也乾道乃華言離下而 之於人而人歸之非聖人先有姑試之心以天人交 與驗已於天位然不容以固辭也進无咎言其道之 文言曰自武也試猶考驗也驗之於天而天與之驗 矣象言進无咎以其能或而於進之之道為无咎也 處雅之道四已由盡之矣其以剛處柔而善用其剛 上改華之際變而通之之時也義理所在順適而

盡也舜避堯之子禹避舜之子皆或之義也舜禹之 之道也改革之際間不容髮精微之極非聖人不能 大為重元意必固我之心也惟其下不在田中不在 進斯无咎矣否則居其宫而逼其子為突如來如於 子進德修業預察於義理之至精而所處契於時中 所以進退无恒者非欲離羣類而出乎其上也益君 也所以上下无常者非干天位而有觊觎之那心也 人故進而上亦可也惟其上不在天故退而下亦可

已憂舜以不得禹皋陶為已憂皆是心也九二在下 其急於此矣聖人垂訓之意遠矣哉堯以不得舜為 利見大人則闢四門明四目達四聰君道之作用勢 天下如龍飛于天騰雲雨以澤潤下土之象也其曰 徳居上卦之中是聖人位乎天位因時立制以化成 之大防而為萬世之慮深遠矣九五以乾剛中正之 以不進事天之外无容心也或之一言所以立君臣 如死如而无所容矣咎孰大焉不欲遽進而終不能

大巴口事公島

周易辯録

金兵正是有量 **僧極矣盈满既久窮災不免颠覆之內其将至矣故** 修身而見於世之大人也雖德施已普所過必化而 盈虚之理進退存亡之道時已極而不知變則與時 龍之亢飛于上而不知蟄以潛身之象也昧於消息 相為職必虚已忘勢而君子始樂為所用也否則謂 未為時用九五見之而弘治化乃其利也人主以論 人莫巴若而不足以有為矣上九德則乾之極也位 上之極也以此德而處此地則過於上而不能下

欠色日軍上馬 聰明始高出於億兆人之上矣以竟舜之至聖而用 物先則犀龍无首之象也如是而可吉也坤之義地 用九六陽皆變而為陰也首者先之義也陽剛不為 周公曰兹予其明農哉知進退存亡而處之以道矣 有悔悔自吉而向西也伊尹曰臣問以龍利居成功 天下之才德為才德以天下之聰明為聰明其才德 也持事有可以用桑者而乃為善用其剛也聖人以 道也臣道也妻道也用九之義天道也君道也夫道 周易料飲

金月七月百十 足以和義貞固足以幹事率性之謂道也命與性 也降自天為命具於人為性性與道一也統於心為 天命之謂性也體仁足以長人嘉會足以合禮利物 性見於行為道體用一原顯微无問也乾之元於時 元為善之長亨為嘉之會利為義之和貞為事之幹 自有肺腸自獨俾臧自蔽其耳目而妄行以治亂矣 下際而光明必如是始合於天則而天下治矣否則 人施政必容於四岳九官而舍已從人以為徳天道 欠己り しんかり 同馬琳録 節也貞於時為冬至理歸藏隨在各足於人為智知 為衆美之會一事一節之合道可以言嘉而不可以 正道而固守之也知正道而固守之智之實豫之義 不備說卦以離為南方之卦萬物皆相見亦此義也 言嘉之會禮則品節文章察然秩然衆理聚會而无 仁統乎義禮智長之義也亨於時為夏於人為禮而 為春於人為仁而為衆善之長仁義禮智皆善也而 利於時為秋於人為裁成斷制所行合宜而從容中

每日口居 全量 能立事故貞固足以幹事元亨利貞乾之四德也非 處得時措之宜而於義无所垂矣程子言處物為義 君子體仁義禮智之深者不足以行此四德君子其 者是也不貞國則不能信以成之而不誠无物矣安 物各有則因物付物使之各得其所利物也利物則 必至故足以合禮嘉猶書言惟予一人汝嘉之義也 體君德備矣故足以長人嘉其所會好之既寫行之 也事豫則立故為事之幹也體仁與天地萬物為

欠己可見之方 則静而體也其實心與性情貫體用動靜而无不在 也一理始動洋洋乎發育萬物是乾始能以美利利 陽始生見天地之心則動而用也此以利貞為性情 貞四德一理也始而亨亦性情也必於利貞言性情 乾元統天言元包乎亨利貞也乾元者始而亨言乾 主靜者四德之義天地萬物之理皆如此復卦以 可以配天乎故曰乾元亨利貞 元與亨利貞流行而為一矣亨之後為利利之後為 周易辯録

多好四月全書 純 體 精猶言大德之敦化也六爻發揮猶言小德之川流 大矣哉大哉乾乎剛健中正純粹精也剛健之徳其 限而狹小矣不言所利見其无所不利矣乾始之功 天下矣然但言利而不言其何所利言何所利則 也益時見而見時潛而潛此理也可上而上可下 然粹然而无不精矣非中正之外復有所 不偏不倚其用无過不及則極於中正矣中正則 也七字之義中正二字可以盡之剛健中正統粹 謂純粹 有

得朋東北喪朋安貞吉 坤元亨利北馬之貞君子有攸往先迷後得主利西南 坤上 行雨施而天下平則治化格天而萬國咸寧也 陽旁通之理而時出之所謂時東六龍以御天也雲 道與乾道陷合而无二者也其絕天出治元非以六 用也其六文之發揮曲盡而无餘蘊矣聖人時中之 下亦此理也无時无處而非剛健中正純粹精之作

欠こり見という

周易辨錄

+

あ号 中屋 台雪 德盛業廣而事成矣坤之為用費相乎乾而不自作 地道也妻道也臣道也先則喻理失分凌犯於上而 故吉元亨者言其通變宜時而應用之不窮也吉則 道為一斯可矣此皆北馬貞之意而所以致元亨也 乎利焉西南則得朋東北則發朋必至於安貞而與 故安往而不元亨北馬之貞即順而有常之徳也故 坤者順而有常之意操順而有常之德以應天下之 為利君子之有所往也以先則迷能後則得而主

義也西南坤方居易俟命順坤道也東北艮方行險 微俸反坤道也得道者多助故得朋失道者寡助故 養萬物之義也主於利而應用當其可則亦利中之 喪朋先迷後得主利以其職分所當為者而戒勉之 學校之制期以新其國而為王者師答畢戰則告之 以分田制禄之法而已主利者臣職之一事地道長 而後則得孟子告滕文公為國之道兼舉三代井田 為天理所不容迷郭大焉臣无有作福作威玉食者

てこうこ ここう

周易辟蘇

ナニ

多庆四月全書 於至善矣此一節深一節之義也至是則盡性命之 於安焉者非誠也安貞則順適乎義理之中正而止 戒之勉之極其詳皆詞之不可已者也勉强而未至 寧之意也修其職而未能以義理用事者或有之故 理 也西南得朋東北喪朋以其性分所固有者而致丁 湯文武盡君道者之作用也坤道則稷契皇發伊 周召盡臣職者之事也引而伸之觸類而長之則 極精微之益坤道益自我而出之矣乾道則竟舜

事而坤不與馬故大可以包乎至而至則大中之 无非此道而天下之能事畢矣故曰神而明之存乎 事以請其極也乾元易知之始坤元簡能之始施 乾元萬物資始坤元萬物資生此孔子之易也乾元 其人黙而成之不言而信存乎德行 為氣非有二也如鼓之以雷霆潤之以風雨皆乾之 天氣之始坤元地氣之始五行得天之氣而各自以 凡統屬之分才質之宜卷舒運用先後緩急之異施

同易辩躁

ᆂ

地无疆則貞之義也柔順而必利於貞乃君子所行 天是坤厚載物而德合於无疆矣以厚載物則含弘 也柔順而不能貞則失之不及流於柔惡而无 矣徳合元疆則光大矣含弘言其體光大言其用此 元之知大始順承之而與之生也萬物資生乃順承 无間也至哉坤元為萬物所資以生非自生也以乾 天者為乾元而承之於地為坤元天地之氣配合而 物 所以咸亨也北馬為地之類則柔順之義也行 亦

巷

故曰應地无疆地勢有高里則重坤之象也重坤則 之類同行而可相與以有為矣持此道以有終則國 與貞為一而非勉强純乎義理而合於坤道之貞矣 有終所致也言此者見遵道有終則有慶矣安貞則 亂迷謬為君子所不與而身不能以自保矣此未能 與民賴之而上下皆有福慶矣東北則反其常道顛 為失道則後為順而得常道矣西南得朋則與君子 至矣豈君子之道哉先之迷以凌分而失道也以先 司易辞碌 中国

多定四库全書 廣大可馴致而與天地同體矣初六於履霜之始而 至之者惟精察其禀賦之偏蔽而勇克去之則高 子度量絕人犯而不校之類亦此義也反身而求以 其所若已推而納之溝中真能以厚德載物矣凡君 宙問事皆吾分内物也民吾同胞物為吾與非仁者 至厚之義也君子體重坤之義而以厚德載物馬宇 能有此心也伊尹恥君不及堯舜匹夫匹婦不 知有堅氷之将至霜與氷同一陰氣之凝也小 獲 明

次足四車全馬---周易辦師 有和而不流之德存之於心而无私曲則直也措之 免於堅氷之禍而且无霜之可虞矣六二柔順中正 於行而當於理則方也直其為方之體而方其所以 行呼直者也直方而至於大特未化之而下聖人 徒也孳孳為利者蹠之徒也早於辯而用舍之豈持 微之君子當於霜未至而慎之焉孳孳為善者舜之 得患失馴習不已而至於極則就奪之禍所由生知 念萌於利而志不在天理之公即不善之道也患

金少せたとい 而将之以順多於陰不中正之義矣據三之才不患 日章之義也不言陰不中正者坤有順德內含章美 而 也六二之於坤卦可謂克肖之子矣其曰地道光者 施自能順利矣此即北馬之貞後得西南安貞之義 而弛張盈縮之妙綽乎其有餘不待習於作用而所 等矣以此德而應用焉則宜時通變之機前定於心 安貞之吉應地无疆充實光輝之義也六三文陰 位則陽陰中有陽為含章之象益衣鄉尚納問 然、

馬坤為土三居下之上有土諸侯之象也古者諸侯 其失易至於此也故復以從王事而无成有終致我 臣得此義矣才可作事而自以為功亦德未純者而 會則發之以時而斯為貞矣留侯之於高帝招四皓 其終於不發也患其發之輕易而或流於躁妄也故 聖人戒之而使其發之中於機會焉發之而中於機 位以間王政不常有也故曰或為王股肱心膂而 羽翼太子因沙中之謀教之以平其宿感而封功

九色四草在了~~~

周易辦録

在分口屋 台書 焉非 德王末有成命王亦顯我非敢勤惟恭奉幣用供 大惇典殷獻民亂為四方新辟作周恭先子旦以多 敢 從其事則勒躬盡力代王以終其事而於成功則不 人臣之道主於貧襄輔弼而已幾微有差則大惡基 臣 越 自有而必歸於君上焉益代天理物者人君之責 敢以王之雠民百君子越友民保受王威命明 御事寫前人成烈答其師 有光大之智不能識也周公曰孺子來相宅其 卷 作 周孚先召公曰予

次已り事亡 之宜而教以處身之義也苟輕自漏泄務為譏評撩 免於刑裁斯可焉以重陰而務晦藏聖人因其才質 為處矣若四者衛門之下可以棲遲點以求容而冀 比六五雖以中德居尊位然陰性易迷柔或不能持 乗所應皆若是而四獨以居陰得正與其問難乎其 久况亦不得其正流而為及覆顛倒不難矣所比所 東六三陰之不得中者也應初六陰之不得正者也 能祈天永命凡周召所履皆无成有終之義也六四 周易辯録

之才也故无譽六五以柔順之德而位上卦之中是 倚之體天徳也蒙也者无過不及之用王道也天極 亨而向於治四雖居正而質陰柔亦非有撥亂反正 以中德而居尊位也以中德而居尊位則能以身心 **虺蛇之首践虎狼之尾殺身不足惜而於世道盗難** 王道所謂合內外之道也成功文章塚然秩然而本 矣此有道君子所深戒也若欲轉移斯世使陽德漸 得者而化成天下矣為黄裳之象黃也者不偏不

每月 旦屋 台書

欠己口事心馬! 所增益於性分之外也至是則君道盡而代天理 彌六合而无間者皆自一念之微所發越而亦非 天地之宜維持之以紀網涵濡之以禮樂事業之大 義之精如此所謂其詞文其言曲而中者此亦一義 之任无歉矣故元吉上六陰盛之極與陽相搏擊 也凡列爵分土井田學校所以裁成天地之道輔 義不曰衣而曰裳者上衣下裳為乾坤之象聖人取 於心德之敷措黃裳之義也裳為身之章取發外 周易辯録 ナ 物 有 相

銀戶四周至書 盛 之云亡 獨 使 亦 龍 則 國亡而小人能 存 國有人馬制而去之不 於 地居卦之終 也特以力 而成 假政柄 上六驗之矣當小人 邦國珍瘁未有國无君子而國不亡者也未 天地 以制 强 別 則龍戰于野之象也上六言龍 而 君子之去留終於君子 塞之世至是則 敵乎龍故 保其富貴者也故君子小人同 難矣及馴 類霜之始其勢固甚微 稱龍馬初六言堅 亦末 習積 如之 盡 家而至 去 何 矣 氷 非 1 於 真 也 至

欠已日草白雪! 身保位而謀處已窮无所施矣觀兩象之詞見聖人 道也益至是則善類已空國勢颠覆小人者雖欲容 上六則曰其道窮也上六已窮之道即初六馴致之 而 至矣其血玄黄聖人不獨示君子以知幾遠害之道 後既戰之後國本已撥小人夷滅之禍即不旋踵而 所以喻小人者亦明且切矣初六泉言馴致其道 也而君子則傷於當戰之時小人則傷於既戰之 柳陰為天地生民之處深遠矣用六者六爻之 周易群録

金少口 問 **象為地可以配乎天順** 於義理之正矣故利永貞變之之道无他馬博學審 陰皆變而為陽也陰柔之性見之不能明守之不能 固變而為陽則愚可至於明桑可至於强而能長久 故 慎 斯可矣剥盡為坤純陰之卦於時為消於事為惡 理絕盡之世也然卦之德為順 ガノジョ 思明 聖人界其消慝之迹盡神化鼓舞之道出其 辨為行人一能之已百之人十能之已千 卷一 理希天可以成大有為之業 可以順乎理 卦

欲其善之進而極於成焉有去惡之心者則防戒之 所 允 望於昏濁之世也益聖人視天下无不可為之時 欲其惡之去而至於盡焉不敢以清明之事業而絕 天下之民謂之事業也於其用六而復言利永貞 料思處之外而裁成之其有進善之才者則誘被之 與諸交皆不足於義理之純粹變而為陽始可以 謂化而裁之謂之變推而行之謂之通樂而措之 不可變之人此有教无類之義與人為善之心也 見 亦

欠三日三十二

月易料録

Ŧ

屯元亨利貞勿用 あ分世五 台書 庸劣酸 席 而 いく 於有為焉則又正本之論也春秋戰 也 大震 不 娯 擬湯武之聖徳孔孟固已知之矣所以 暇暖而皇皇終身欲何為哉此皆 相 周 麵之深豈可望以三代之治化 旋者欲其一變至道而以大 有 攸往利建侯 國之君 終 用六永貞之 而 烿 也 孔 孟者 惓 不 接 然 不 顄 则 31 足

次足四華全書 周易辯婦 晦冥震撼之勢方殷而驅除平定之道誠難措手故 速其禍而險愈甚矣故尤所當戒雷雨之動滿盈則 險處夷皆不可須吏離者在險而有不正馬則所以 故得元亨在險則宜守正正者萬世不易之常道處 之始交也剛柔始交方欲有為乃遇險而難生焉則 動 不能伸舒矣震動在下坎險在上是能動乎險中矣 屯者不能伸舒之意坤之初交於乾之初得震剛柔 乎險中則操縱之機猶在我而不為人所盡制焉

其幾而不可失也經綸治絲之事君子拯屯順時勢 有 此 分已定而恩威激勘者有其人矣濟屯之道莫先於 相機宜而為之也初九當屯之初時方難為上應六 英雄豪傑欲起而救之必利於建侯馬建侯則 為而建侯則又不可安於无為焉先後緩急固 追寢食而始克有濟焉勿用有攸往則不可輕 自古有為之君當也難之世被刑棘歷險阻至於 用有攸往當此天運草味之初混亂漫散未有統 以 名

次包四草全書 處 得天下不為行一不義殺一不辜而得免於死 得 九乃强暴之寇也當屯之時事方難為五在險 為何所往而可離於正乎以此得正方亨之陽德 四 之象當屯初而遇險陷固不可不居貞而初九陽 利建侯六二上應九五乃其正應之君也下東 ,卦之最下則能以貴下賤得民心而可以濟屯 正又有能居貞之象君子行一不義殺一不辜 險陷之交而勢又不可以輕動故有盤桓難進 **S** 周易料婦 中 亦 而 而 不 岡山 初

金汉 不 飔 窮 貞之象也守貞則不字於初矣至於十年之久則数 又不足以援二故二動 班 N 時其勢又難為也於是而不動 嚣 正无濟屯之才德者也上无應與而切近於險陷 為二之害也求與為婚媾耳二柔 理 如焉班如但列為班行定處而不能進之象初 而 極 歸 而字於五字許嫁為臣服之義也實融終舍 於光武其時其事皆類此六三陰柔 卷 不能伸舒這回不進而乗馬 可业三居動 順中正女子守 體 不 ル

得正有過人之才德者也求親斯人與之同 而无不利矣得人者昌失人者亡四知求初 柔才弱不能獨濟為東馬班如之象下應初九陽 交六四居陰得正上承九五當濟屯之責任者也陰 之屢舉而屢无成徒取盖各而已設治北伐有類此 陷入林中之象君子見幾舍之勿逐可也若往而逐 極 而欲 而性又為輕動者也以如此之才德當如此之時 輕動以濟屯焉則為逐鹿无虞人以導之而 相與有 往 則吉 剛

欠包四重合等!

周易辨録

金与ログ 矣小貞則小有所為而不失其正也大貞則必去小 之而使屯其膏乎故象言其施未光益深不足於五 為於道或未盡焉若能惇典庸禮命德討罪允合乎 人之陷已而欲大有所為也會昭公自取出亡則必 也當是時若小貞之則可得吉若大貞之則由立至 天命人心之正則一德所及遠近協服小人安能陷 陷於險中為屯其膏澤而不得下於民者也五之所 為可謂明也已矣坎為水有膏澤之象九五次體而 11111

及少上 蒙亨匪我求童蒙重蒙求我初筮告再三瀆瀆則不告 可長也 險 濟必有濟之者矣若上六者将為人所有焉故曰何 六陰柔明不足以有見才不足以有為愈見其屯而 有出險之理若以剛陽之才處之濟之如及掌耳 之驗也上六處屯之終險之極屯終則時可齊險極 也故有乗馬班如泣血連如之象至是而已不能

欠己り日人とよう 周易群妹

1十四

利貞 金分正五百量 蒙之可亨理義之心開而可以至於明矣此由九 五乃五求二學者教者之志自相應也求之者其心 之道可以發人之衆而所以發之者又得其時之中 蒙與明相反蒙昧而不明也山下有險則迷於所向 虚以誠則應之者亦樂以成其美矣凡筮蓍求神其 矣險而止則懷險心而怠於問學矣皆所以為蒙也 九二以剛中之德與六五之童蒙正相應非二求

次定四車全書 正程朱之居敬窮理知行並進皆聖賢大中至正之 倦之聖賢五亦有希賢希聖之志者矣教之而不以 天之學問也竟舜之精一孔門之擇善固執格致誠 正則所知所行差之毫釐謬以千里非聖賢以人事 謂得時中之道矣此蒙之所以亨也二可謂誨人不 不告矣求之者其心專應之者當其可二之發蒙可 之求二有初筮之誠二則告之再三則為瀆瀆則二 初筮則无有不誠者若再三則輕瀆而失其誠矣五 周易辯録

為用說桎梏桎梏固刑之類也用刑之嚴而過於束 也又當暫止其刑而涵育優柔使以漸而入於善焉 不可以不正故利用刑人用刑人書所謂扑作教刑 之里下則蒙之甚而不可不發也又當發蒙之初法 君子之育德似之初六以陰居下禀賦之昏弱人品 之出必放乎四海君子之果行似之必盈科而後進 故為作聖之功山下出泉未有所歸亦蒙之象也泉 道也當童家之時而養之以正則可以至於聖人矣 次定四車全事 題 求皆在其中矣以陽應陰來為納婦吉以下任上事 來者不拒以是心至斯受之而已隨才成就而不 任 難 有 則 縛亦桎梏之象也用說之則立法固為甚嚴而用法 堪 失其道而无益於蒙者矣故往各九二當發蒙之 樂於進修之志可謂善發蒙矣若一於嚴則情所 又濟之以寬使學之者既有嚴憚恐懼之心而 而得中為包容衆家之象包容之則在者不追 **聒之以明之所難知驅之以力之所難行為教** 周易辯録 义

金牙口万人 此 而又不中則為家之甚矣下不應於二上不應於 善 金夫而不有其身之象也上九以不正居上是无德 六三以陰不中正而應上九不正之陽剛是女之見 為子克家交具此象關於世教之大故聖人歷言之 之道畏而同人類於禽獸矣天下之至蒙莫甚於 而可以為戒者也何利之有六四以陰居陰重陰 而徒以財自右者也為金夫之象女之從之則康 卦交取象善可為訓者則詳言之而畧其所次焉

是純真之本質未散而委心聽順受教於君子也書 所謂能自得師者也布賢希聖布天皆其所優為者 之至於知之成功而為一焉則與生知安行者同歸 棄也以見人性皆善聖人可學雖香愚之至而善反 矣其垂訓之意遠矣哉六五虚中以應九二之陽剛 之各為獨遠實謂非其資東之下而由其遠賢以自 而不親近君子以開啓之可各之甚也聖人以用家 遠於陽剛而无以發其蒙為困於蒙矣自是其愚蒙 司易許亦 示之

欽定匹庫全書 凡外誘之私 敢其明而 亂其真皆寇也為去其私而 而 使全其善樂寇之義也學之教之固多術而皆所以 象進人不顧其安使人不顧其誠其施之悖求之排 以此義訓之以此剛而禦寇則教者學者皆得其道 禦寇也上九非能禦寇者聖人以其失在於為寇故 反為害矣教者不利如此為寇但禦學者之冠可也 也故吉上九以陽剛居上治蒙過剛為擊搏於蒙之 順矣

世 坎 北 需有孚光亨貞吉利涉大川

事有定見處有定力不遠進以陷於險待之義也其 運用之機在我可不至於困窮矣陷於險中則為困 需須也待之義也坎險在前乾以剛健臨之剛健則

固 道可亨通心或不誠安得光明何能致亨人之所需 窮需之所貴在於有孚以誠心而需則其心光明 有其心有等而不得為貞者有等而貞則誠心為 1 問易出妹 云 而

多定四库全書-禮而无非禮之禮誠心為義而无非義之義合於大 不為矣利涉大川可以大有為也孟子言枉已者未 至也其他沮溺荷條之類高尚之過而至於絕人逃 之象也需之為用出處之節應機之宜其道廣大精 而居天位則德與位稱道可大行為有孚光亨貞吉 世焉心固有季而貞則未也卦之九五以中正之德 中至正之道矣如孔子之待價孟子之待招則貞之 非時中之君子未能與於斯焉需之以貞則有所

次定四車全書 周易斯婦 者當需而不需馬則為過動不當需而需馬則為怠 養以待時而已此酒食宴樂之義也他事亦有當需 緩需之道未易言也初九需于郊則遠於險難矣利 巴如諸葛孔明隱於南陽非先主三顧之誠則有自 也待其自雨耳事固有當需者君子自養以待之而 理守義之學至則可以用需矣雲上於天亦需之象 之以道子欲手援天下乎此亦貞吉涉川之義也窮 有能正人者也况辱已以正天下乎又曰天下溺援 九

能免於言語識謗之傷乎二以剛中之道處之以寬 能測莫之能制則需郊用恒之大者也无咎不足言 子李泌身當其事雖有危言之及卒能定天下之大 裕之誠則可以免於患害而終古矣唐德宗欲易太 遠矣人臣以身任國家之利害其迹危厲者似之豈 矣九二需于沙沙近水所有之物需于沙去坎險不 孔子之歷聘諸國仕止久速應以神化之道人莫之 用恒則終不變其所守矣郭林宗申屠蟠可以當之 傷之地矣為需于血之象坎之陰爻有穴之象以柔 時甚難而為力不易者也六四已入于險而身處殺 於聖賢之學也但可不敗而不能如二之終吉何也 寇之可憂乎三能敬修其德是以過人之資而潛心 善矣况三之剛正者乎若能敬慎則善之善者矣何 過剛不中又所以速其災也至惡者亦可反而為至 之象已及於危難矣其時其地則切比於災而三之 計而得免於害此爻似之九三迫近坎水則需于泥

次定四重全等

周易辯録

Ē

在ラセガノ 道 養之象也五之所當自養者非以逸豫而已也廣求 JE, 也不幸而至於殺身焉君子不恤也九五以陽剛 穴矣四可謂幾死而復得生者也處危難之道以過 居柔而得其正順而聽之終能免害者也是能出自 盡至是則有自養以待天下之治安而已酒食自 而居尊位是有君德而盡君道者也君德厚而 也君子守吾之正而已守其正而免於害固其所 而速禍君子不為也以過於柔而免禍君子 君 中

次定四車全書. 三陽本在上之物以見險而需今需極相時而上進 入于穴矣不速之容不召之容也三人下三陽也乾 可不戒哉上六以除桑居險極无出險之才已陷而 也若一念怠情則聖反為狂四海困窮天禄永終矣 白臣作朕股肱耳目此皆不自聖而汲汲於自養者 丹朱傲惟慢遊是好舜之命其臣亦曰汝亦昌言又 矣如五之中正若无待於自養矣禹之告舜曰无若 賢俊布諸左右論思啓沃孤育氣質薰陶徳性而已 周易辩録

訟有 等室惕中吉終內利見大人不 利涉大川 辱而不狗人以非禮之恭上六敬之而免禍聖人亦 失言未大失則已有失矣君子之處險陷寧身被困 似為失矣然志在出險而非僥倖以求進也故无大 終吉居卦之上无職位者也與九三居下之上為應 矣上六若能敬之則籍君子之極而可以出險矣故 深許之也

次定四重全書. 馬 則 而直心不能以自白於是楊然省懼而處之以得中 也又内險而外健是習為惡逆者也訟之事或已是 下以險機何其上又已險而彼健皆以惡逆相加者 則 君子以仁禮存心而至於三自反焉横逆之加以 吉所謂處之以得中者或天理民葬所不可已者 訟為惡逆可知矣卦以坎遇乾上以剛暴制其下 爭辯也以惡逆相及者也竟言其子之惡曰器 明其心迹而已其他所可已者則置之而勿校 洼

之事如以難得者兄弟易求者田土之數言感訟 其 有 孚室惕中之象也若不處之以得中之道則必然 禽獸視之而已又何訟焉卦之九二剛來而得中有 流涕 败 象訟之利見大人或啓其息訟之心或處其所 終 難 而得玄矣此反其所為而戒之也上九過剛 極其訟之象九五剛健中正以居尊位有大人 而為之要在可止而止矣上剛下險險而 相 讓則大人真可以利見矣訟之事不可以 者 訟 亦 極

百户之小邑始得免於災青焉邑人三百户自處甲 五之勢不可敵乃歸而逋竄不復與訟而自潛於三 初六能忍者也九二當訟之時與九五訟者也二知 但 也訟之事有容徳乃大其次則能忍亦不失為厚也 訟 可絕矣初六以陰居下其才其勢皆不能為訟者 之象作事謀始存仁讓之心而慎守之犯而不較則 明辯其心斯已矣故為不永所事小有言而終古 有涉川之用與涉川之才也天與水違行亦有訟

次足四事全書 周易辦婦

而處强衆凌暴之時雖自能守正而迹亦危矣居下 亡无日矣訟者皆攘奪於人以為已有者也六三陰 然訟之時以强凌弱以衆暴寡者也三雖不能為訟 坎坤為邑九二居二陰之中潛於小邑之象也二可 謂畏天之威以自保者也否則自下訟上而患自掇 能自卑而免於害以得中也乾之中交於坤之中為 小之象也二有欲訟之心者以剛而又為險之主也 非能訟者但食舊德安其素分而无外求則可矣

次足口事心事 成 尊位有中天下而立定四海之民之責與道焉者也 匪徒能聽訟而已益必以道化民使近天子之光而 道而得吉矣九五當訟之時以陽剛中正之德而居 弘之心幾於犯王命矣不克訟則渝變其心安 處正 命上之命下何嘗欲其相訟而至於為惡乎四有欲 訟者然以陽居陰為能濟以柔處上之下為能順 之上有時事之責者也謹敕而免於為惡耳為善而 功則 非 所能也故從王事則无成九四陽剛本欲 周易辯録

色ラセスノニー 是 命 有者也故終朝三褫之終朝之問而至於三褫 遂 治 巴甚矣不如无 所得之為愈也凡用勢力機巧而倖 之以至徳而民家過矣上九以剛 至於无訟者也故元吉不然則區區於折獄之間 服之師 健訟終吉而能伸者也故有獨之攀帶之象攀帶 其所欲焉即 其末亦何足尚哉故象曰訟元吉以中正也謂感 上楊下者也以无實之訟至惑上所聽而 上之所與也未有得非其道而可常 居訟 極而處最 則辱 而

にこうえいた 師貞丈人吉无咎 成有平定安战之功而无屠城掠地之失角侯之 暴寇盗而已将在得人老成長者臨事而懼好謀 有應敵之兵有問罪之兵用之以道皆為正否則 餇 為兵衆本義釋之備矣兵者聖人不得已而用之 所得者亦此類也縱无三德則康恥之道喪矣 和強厥渠點 脇從罔治舊染汙俗咸與維新丈 周易辯張 征 而 强

多定四月全書 湯 不 剛 而釋之故曰師衆也貞正也能以衆正可以王矣此 以正又得老成之人用之則吉而无咎录以師貞合 也戰危事行險也東面而在西夷怨南面而征北 也将以剛中則威克厥爱有應焉則歇承天子威命 所為葢如此漢之趙充國宋之曹彬皆其人也師 正假之而已九二有剛中之德上有六五之應是 武之師也齊桓公責楚包茅不貢王祭不供未為 中而應也居坎之中上下五陰順之為行險而 THE PERSON OF TH 順

欠己日臣在去 陽 鄧 未必其古也否城則面即至矣如 律 川頁 者除殘去暴是也地中有水亦衆之象也容民保民 也所保之民即所高之兵也无事則為服牛東馬之 怨曰奚為後我則人心之順也毒天下毒其所當毒 號令嚴明合於以律之義馬跟街亭之敗違亮節 應與而取其在師之初之義也出師之初在謹其 民有事則皆披堅執銳之勇士矣初六未取 如嚴部伍禁侵掠皆是也以律行師之法當然而 周易辦縣 引 明伐魏戎陣 於陰 整

三十六

oon on a commission of the com 金分と左台書 徳 賞之典錫命至三竈麥之者至矣所以録其懷柔 깕 能得古者吉且无咎善之善矣将能成功則王有報 能有為九二在師而得中道用師之貞出師 謂王者遣将跪而推穀曰聞以内寡人制之間 而成功焉後世進止遲速率由中制之雖有賢将 是也故吉而无咎師有吉而有咎者有无咎而未 則以否臧而玄矣九二有刚中之德上為五所應 軍 制之任之事而委之重故九二得以盡其才 以律

欠三日目白 而 也六五柔順而得中桑順則自不為兵端得中 咎春秋伐楚而書次者以次為善師六四元咎之義 玄 暴之兵加於已亦必起而應之是田有禽而利於搏 将 将之才德而欲僥倖以成功者也故師或與尸而 邦之功而嘉之也六三不中不正居險之極非 不輕進者也雖无克敵之功得以全師而歸故无 孰甚焉六四以除 不知兵以其君與敵也君不擇将以其國與敵 T. 1 周易辯縣 居陰桑而得正是能整兵慎戰 <u>۴</u>, 有為 則

邑有國與家之象焉軍旅之際有謀有勇皆能成 國 皆已定矣則論功行賞之時也功之大者問之以有 而為小人之類者皆是也上六用師之終天下大難 陰柔或不能專任君子而使小人參之則是使之與 二凡才德為君子之類者皆是也弟子凡次於九二 執之也言語解禽鹿豕之類所以害田者也又以其 而為諸侯功之次者承之以有家而為大夫帅為 而歸雖應敵之正兵而亦不免於凶矣長子謂 and the second of the second s

多分口母有書

次包四草 白野 此吉原筮元永貞元咎不寧方來後夫玄 次州 原考筮已有元永貞之德然後可以當其比輔而 下順從以輔之而不獲於吉乎當此比輔之時必 比自有得古之理比輔也輔則下順從之義也安有 小人則禍基於此而邦必亂矣 也故戒其勿用大君以爵賞正人功之大小而復 而未必皆君子也若賞以國色是使肆其毒以唇 上 周易科稣 美人 推 刖 无

i destrucción communicativamente men esta esta esta esta esta de la companya persona a esta esta esta esta est 金岁中居石量 德存敬畏之心而得民之歸赴之象也夫者丈夫之 來矣九五以刚中之德居尊位而上下應之是有君 謹畏之不存則怠忽之所自起毫髮幾微之不察則 禍患之所自生有此不寧之心則下之比輔方感而 下而勞之非以天下奉一人而逸之也君人者項刻 寧處有憂勤惕厲之心者也天之立若以一人治天 長君德也君德至於永貞則純乎天矣不寧者不遑 咎否則或以力 驅之而已安得免於咎乎元者善之

大包马巨丘与 於盈缶 而 信之至也草澤之間有懷至信之德者安能久在 将 之也於君子而怠緩之則賢者退處小人類進而 以盡比之道也初六居下順體是能比上者也比上 业 有信實之德則然始无問而免於咎矣若有孚至 離 建立萬國之諸侯而定巡述之禮以 左傅曰是謂我非夫也後如先事後得之後怠緩 叛而不輔矣則道窮而凶矣地上有水比之象 則不但无咎而已且有他吉也有乎盈缶 周易歸録 親之先王所 ネル 則

レス 非 内 乎此他吉也六二上比 也四桑而得正以是而比五則能以桑 以左右重 免過而不自失也臣道之難盡也如此六三陰於 之誠也所謂責難 得 竟舜之道不敢陳於王前者皆是也如此 中 其人矣六四位 正 正而吉矣内取由中之義事君以道而出於 虚, 已非其道也君子小人類聚群 在九五之下比之時皆以 於君謂之恭陳善別 九五也桑順中正則比之 濟 分 邪 其 則 謂之 而 周月 僅 ド įής 白 可 rt rt

馮區 纐 正之道而顯以比天下者也如孟子所言王道皆為 仁之忠矣故吉九五陽剛中正以居尊位用大中至 俞吁哪皆以道而不離於正也則有引君當道志於 比建萬國親諸侯以其一端也先王托股肱 班 之網去其一面不盡取之取其不用命而入者 臣下以次承宣而達諸天下則為顯比霸者用 智小小補塞則晚味而非顯比也王者田獵用 削 振旅誕敷文德而有苗來格是也失前禽邑 耳 其 E

欠三日臣之子 酒

周易聯録

.19

小畜亨密雲不雨自我西 銀月世月百十 獨 位 當比之時下无應與為此之无首之象比已終矣而 以威驅之也皆古之道也上六居卦之上為首之象 則 陰也畜止之也六四以陰居陰為柔得位柔不 无所比則死亡无日矣故凶 不誠邑人之心亦上之心也知其以德化民而不 不能畜陽系既得位則有以致上下之應而 郊3

欠已四重 公事 雲為 盡 外 畜 其 用 異畜乾亦為小畜又以陰畜陽亦不能大有所畜 則 為小人者所畜也故京小人未能盡制君子之作 者區區之微末耳小畜之時陽猶可亨卦之内 畜君子畜其不能用世耳於其道則无如之何 異二五以剛得中而志猶得行君子之作 所畜矣小人而无才无位者亦安能制君子哉以 所畜尚未遂也故有密雲不 雨氣陰物也陽氣上升而雲密畜之則相持為 周易辯録 雨自我西郊之象 中一 用亦未 健 旂

銀月世屋と言 畜 過皆此義也畜有止之之義有聚之之義止則聚矣 若以為善言之凡臣不能止君之欲子不能止父之 郊 象不雨與亨之義相及君子小人勢不能以俱盛也 雨而下畜之未極則氣猶勝往而不雨矣天地 則有密雲西郊之泉不能遂其所高則有不雨 之義也无小畜則无所謂密雲无所謂西郊有 則陰畜陽陽不和而不雨密雲之不雨亦自我 為陽西北為陰凡陽唱則陽畜陰陰和而成雨陰 卷一 問 之 11 東 西

欠己り自己与 骓 其 之間而致其美則所畜者小矣小人畜君子必制之 而 使不得遂其所為畜之未極則君子猶得以安其 風行天上則氣即散往而不能聚有小畜之象君子 行其志君子者始焉若将失其所矣而終得以復 復之自道矣守正不愛而卒得復則復自道矣若 與四為正應去之尚遠不為所高猶得進而上行 所此小畜之初二皆以復為言也初九乾剛得 懿美其文德而已美在其中為畜之大威儀文詞 周易的婦 里 位

THE PROPERTY OF THE PROPERTY O あらせるる言 榎 自 之失當為四所畜而不能自行為與說 有 九二漸近於陰若将為其所畜矣以所處得中而 為 失又與初同體皆陽剛之君子也相資相援進而 出與處同一道也九三迫近於四以過剛不中 則无咎而可以行所學以益世其義自當獲吉 禮求進則復不以道而為以邪媚干澤矣自道而 之所以行者也說之則不能行矣夫謂三妻謂 則牽復之象而吉也益初九結經則九二彈冠 卷一 輻之象輻者

欠こりョンニア 主以畜道為尚者也柔得其正位近九五是能以誠 則 无得以議之至誠以與之恭遜以接之彼小人者 道也處之之道何如謹於自治而不陷於失使小人 非四之能畜三也乃三不能處乎四也故象言夫妻 得則夫妻反目之象也大丈夫處人而不為人所 及目不能正室所以責君子不能自盡其處小人之 四畜三使不得上進三不受其畜而與之爭情不相 革心小則革面矣何能畜於君子乎六四為畜之 周易納婦 學三

每分口周台書 故 而 也 心而畜五者也所謂以桑濟剛以可濟否者四之心 四之尚畜道比之以道事君不可則止者則有問 也直道難容若四者懷恐懼之心而幾不免於傷害 僅可无咎而未獲吉九五居尊爵賞刑誅皆其所 九五剛得中而又異體於四之畜已見其為忠直 不見其為乖忤知求之以道不以非道而罪之焉 四得免於傷害憂懼為血去惕出之象而无咎也 謂上合志言其與九五相合也事君數斯辱矣六

畜 同 不言吉西者未知其同心同德而施之於畜道者何 身之使臂如臂之使指投之所向 鄰 亦 可 有人以實心效力而為已用如以手把物學固而不 心為善而元吉可致反是則 解已之勢力足以驅人而使為用如以富而以其 之時多小人畜君子而四之畜五則又用之於為 用也若用之於畜小人畜已之私欲而不自 則 其鄰孰不樂趟以為用乎九五之君臣同心 流於惡而玄至矣 无不如意者也 肆 则 然 1

欠こり可いか

周易辯録

西北西

凶 畜 巺 善也九五勢其所有法其自用而下无應 善 以為惡未可知 直不 じるる言 陽 矣故聖人但言其力足以 陽 體 極 與之相抗者或苟說富貴或僅期 則 居 小人自以為德而尚之以至於積滿矣至是 畜道成 小畜之 欲以小人待 也陽剛 極 而 異順於以陰畜陽積之以漸 隂 陽 九五其垂戒之意深矣上九 中正而又異 和矣為既雨 有為而器其善惡與古 體才 既處之象以 免 亦足以 與用其力 禍而 至 聽 為 陰 於 則 レス

乾允上下 欠己日日上午 一 **優虎尾不咥人亨** 君子至是亦不可行行則函矣此又喻君子以自 之道也易為君子謀不為小人謀可見矣 自食而反傷矣安有小人畜君子而天下不亂者 亂 命矣以陰畜陽小人制君子婦人東其夫皆此義 則小人豈能保其富貴哉此皆切戒小人之詞 若貞固守此則危道也月陰象幾望而抗陽将 上 周易辩録 小五 至

多写 口居人 此也人之所履宜隨其分而修其所當為故上天下 而 當履故卦名履以和說履剛強則處已處人之道盡 強 說為處剛強之道非倖福免禍而為流蕩者也九五 以兒遇乾和說以躡剛強之後和說有恭遜之義剛 不為所傷有履虎尾不咥人之象而可以致亨和 剛中正履帝位而不成其德光明人之所履常 有果確之義恭遜果確則嚴而泰禮也禮為人所 則上下之分定而為優也君子觀此象則辯上下 如

大三日日 とかう 治人也初九素履之往可謂不失所志而獨行願 九二陽剛得中上无應與有道君子未為世用而 此道以往則无各矣人之修已所願者在行所學以 學措而為治平之用未為物誘而變其所守者也 居履之初是以素所修者而為履之始格致誠正之 定民志民志未定由上下之分未辯也上下之分既 則民安其所而不妄求其志定矣初九陽剛得正 人知者也為履道坦坦之象坦坦平易也兒有和 周易料绿 轨 也 不

弘员 四月 台書 害為履虎尾咥人之象而由也又以志剛而居下 **履虎尾之象四近五則五為虎而四** 有 上有武人為于大君之象武人无德肆其剛暴以強 足以有為而強欲為也六三陰不中 吉矣眇不能視而強欲視跛不能履而強欲履才不 說之德平易之義也幽隱守高之人能如此則正而 而為大君安能久乎以兒遇乾則乾為虎而兒有 此象是才桑而志剛也以此履剛強之乾必見傷 亦有履虎尾 正而處乎陽

てこりる たたう 而 而 徳 智君道之盡宜若易為矣然求賢任官必勤谷於 徳而優五之下則剛不至於取禍桑不至於取辱輔 象九四剛而能柔者也是常存戒懼之心者也以此 位惟 矣守此夫獲以為正則危之甚也上九以陽 无矯排則任意裁决而无留難為果决其發之象 不自專九五以乾剛居尊下以免說應之有順從 納齒之志行于五而得然古也以竟舜之聪明聖 製一念不謹或胎生民无窮之害而天禄永 周易辯 觨 剛

野戶四庫全書 能有終者也姦乾剛則以仁為已任有終則死而後 周 而居履之終是所謂終日乾乾夕惕若復善道而 息簧而殁是也視其如此之履而考其所宜 周 人也進則有益於君德退則有益於風 人未易及故曰元吉在上大有慶也 旋皆得元古矣其旋元吉言无適而 俗